

NLP Bantu Pelajar SK Likas Hadapi UPSR

Terakhir dikemaskini: Khamis, 17 Ogos 2017 15:42 | [Cetak](#) | Jumlah paparan: 545

Kongsi 0

Syorkan 0

Kongsi

Tweet

Share



**RABU. 16
OGOS** –
Program
Neuro
Linguistic
Programming
(NLP) yang
dikendalikan
kumpulan
kakitangan
Universiti
Malaysia
Sabah (UMS)
di Sekolah
Kebangsaan
(SK) Likas
baru-baru ini
mampu
menjadi
persediaan
kepada
pelajar tahun
enam sekolah
berkenaan

menghadapi peperiksaan Ujian Penilaian Sekolah Rendah (UPSR) akan datang.

Menurut Timbalan Pendaftar Fakulti Kemanusiaan, Seni dan Warisan (FKSW) UMS, Masri Judah, program tersebut merupakan inisiatif beliau dan 10 lagi kakitangan untuk membantu persediaan murid sekolah tersebut melalui siri perkongsian ilmu dan motivasi diri.

“Program NLP ini bertujuan untuk memberi keyakinan dan mencungkil bakat dan kemampuan diri yang tidak diketahui oleh para peserta.

“Di samping itu, peserta turut diberi pendedahan tentang kaedah menjadi seorang pelajar cemerlang, serta berkongsi panduan persediaan mental dan fizikal dalam menghadapi peperiksaan UPSR serta menjadi pelajar cemerlang,” kata Masri.

Sementara itu, guru besar SK Likas, Mohd. Jamie Mosliem berkata, program seumpama ini diharap mampu memberi kesan dan perangsang kepada semua pelajar yang terlibat.

“Diharapkan program seumpama ini akan berterusan pada masa akan datang kerana perkongsian berkaitan pengajaran dan teknik pelajar cemerlang sangat penting dan bermanfaat kepada pembangunan akademik dan sahsiah pelajar,” katanya.

Pelajar tahun enam SK Likas, Muhammad Esyam Gamra turut bersetuju agar program tersebut diteruskan dan dipanjangkan kepada pelajar sekolah lain.

“Hasil penyertaan program ini, saya mendapat pendedahan mengenai kaedah belajar sifar cara mudah dan teknik belajar untuk memperoleh 6A dalam UPSR, dan ini menaikkan semangat dan keyakinan saya untuk melakukan yang terbaik dalam peperiksaan akan datang,” ujar beliau.